



Whakamāramatanga o Ngā Whakaritenga Mōhiohio Hua Hangatanga

TE KAUPAPA O TĒNEI RAUEMI

Hei āwhina i ngā kaiwhakanao, ngā kaihoko ki uta, ngā kaihokorau, ngā kiritoha, ngā kaihoko i Aotearoa kia mārama ai rātau, ā, kia ū ai rātau ki ngā waeture mōhiohio hua hangatanga.

HE WHAKAMĀRAMA

Kua hangaia ngā waeture hou hei tuku mōhiohio mārama ki ngā kaiwhakamahi hua hangatanga mō ēnei hua hangatanga.

Ka tīmata ēnei waeture i te 11 o Tīhema 2023.

[Haere ki te paetukutuku Building Performance mō ētahi atu mōhiohio.](#)

HE AHA I HANGAIA AI NGĀ WAETURE?

He mea hanga ngā waeture hou:

- hei āwhina i ngā kaihoahoa, ngā kāmura me ngā kiritaki ki te kōwhiri i ngā hua tika mō ō rātau hiahia, te whakamau tika me te tuku whakatau i runga i te mōhio mō te whakamahi hua rerekē mēnā e hiahatia ana
- kia kakama ake te tuku whakaae mā te whakarato i ngā mōhiohio tika ki ngā mana tuku whakaae hangatanga, kia wātea tonu ai te tiro tiro mēnā kei te ū ngā mahere ki te Tikanga Hangatanga
- kia iti iho ngā hapa hangatanga, kia iti iho ngā mahi whakatikatika, kia kakama ake te tuku whakaae, ā, kia haumaruru ake, kia pakari ake ngā whare.

HE AHA ŌKU KAWENGA?


Me mātua whakarite ngā kaiwhakanao me ngā kaihoko ki uta i Aotearoa o ētahi hua hangatanga i ngā mōhiohio e hiahatia ana me te whakarite ka whakaratoa me ā rātau hua, ā, kia wātea tuihono mai.

Kei runga i ngā kaihokorau, ngā kiritoha, me ngā kaihoko i Aotearoa mō te whakarite kei te wātea mai ēnei mōhiohio i te hokotanga, te wā ka tonoa rānei mō ngā hua.

HE AHA AKU MAHI WHAI AKE?

Me whai i ēnei upane kia mārama ai mēnā e hāngai ana ēnei waeture ki a koe, ā, mēnā āe, me aha koe kia ū ai.

Ka kitea ngā mōhiohio āmiki mō ēnei upane i roto i te [tuhinga tohutohu a MBIE](#).



UPANE 1 – TE WHAKARITE MĒNĀ KEI TE PĀ NGĀ HUA HANGATANGA KA HANGAIA E KOE, KA HOKONA RĀNEI KI NGĀ WAETURE.

Ka hāngai anake ngā waeture ki ngā hua:

- i hangaia, i kawea mai rānei ki Aotearoa i te 11 o Tihema 2023, i muri mai rānei
- he hou kua he mea kua whakamahia
- he mea hanga mahatia, i hangaia ā-rōpūtia, kei roto rānei i tētahi rārangi hua kua whakaritea ake ia hua
- ka whakamahia i roto i ngā mahi hangatanga, ā, mēnā kei te hāngai ki Ngā Tikanga Hangatanga o Aotearoa
- kāore he mea i waho o ēnei waeture (hei tauira, ngā hua me tētahi tiwhikete CodeMark, ngā hua wā poto pērā i ngā tīrewa, ngā tāpare me ngā herenga, ngā hua tāhiko, haurehu rānei).

Mēnā kāore tō hua i te ū ki ngā mea i runga ake, kāore i te pā ki ngā waeture hou, ā, kāore koe e mate ki te haere ki te Upane 2.

Engari, mēnā āe, haere ki te Upane 2.

UPANE 2 – ME WHAKARITE MĒNĀ KEI TE Ū KOE, TŌ WHAKAHAERE RĀNEI KI TE WHAKAMĀRAMATANGA O TĒTAHI 'TANGATA WHAI KAWENGA'.

Mēnā kei te pā tō/ō hua ki ngā waeture, ko te mahi whai ake he whakarite mēnā kei te ū koe ki ngā whakamāramatanga i raro:

- he kaiwhakanao, he kaihoko ki uta o tētahi hua hangatanga, e noho ana, he kamupene rānei i Aotearoa; tērā rānei
- he kaihokorau, he kaihoko, he kiritoha rānei o tētahi hua hangatanga , e noho ana, he kamupene rānei i Aotearoa.

Mēnā kei te ū koe ki tētahi (ngā mea e rua rānei) o ngā whakamāramatanga i runga ake, haere ki Upane 3.

Mēnā kāore koe i ū ki ngā whakamāramatanga i runga ake, kāore koe i te pā ki ngā waeture hou, ā, kāore koe e mate ki te haere ki te Upane 3.

UPANE 3 – ME WHAKARITE MĒNĀ RŌPŪ 1, RŌPŪ 2 RĀNEI TŌ HUA.

He hua momo 1 he nui te whakaputaina, ka whakaputaina rānei ā-rōpūtia ki tētahi whakarōpūtanga arowhānui. Ka takea mai te hua momo 2 i tētahi rārangi hua ka whakaritea ake ia hua ki te whakatakotoranga a tētahi kiritaki ake.

Ngā tauira

MOMO 1

- papapātū (hei tauira, koropū)
- ngā whakamaunga hangarau (hei tauira, nēra, kōwiri)
- ārai mātao (hei tauira, pakitara, tuanui)
- papa ā-roto (hei tauira, papaukutea)
- tuanui (hei tauira, tuanui papauhi)
- ngā hua hanganga ā-papa (hei tauira, papa kua whakatauria te hanganga)
- maitai hanganga me te whakakaha (hei tauira, raumata whakakaha)
- ngā paipa me ngā manga para (hei tauira, ngā māhunga hīrere, ngā kōrere tāpu kaukau).

MOMO 2

- ngā hono wini ā-waho, ngā kūaha me ngā rama tuanui kua whakaritea ake
- ngā whakaranunga raima kua whakaritea ake
- ngā kūaha rerenga me ngā matapihi (ētahi atu kūaha motuhake), ngā pūoho ahi, ngā pūnaha tinei ahi kua whakaritea ake mō tētahi kiritaki.

He āhua rerekē ia momo ki ngā whakaritenga mōhiohio whakapuakanga, engari ko te rerekētanga matua ko te wā he mātua whakarato ngā mōhiohio. Ko te koronga kia āhei atu ngā kiritaki ki ngā mōhiohio mō tētahi hua hangatanga i mua i te hokotanga.



UPANE 4 – TE WHAKARITE KEI TE Ū NGĀ WHAKARITENGA WHAKAPUAKANGA MŌHIOHIO.

Mēnā he kaiwhakanao koe, he kaihoko ki uta rānei, me whakarite kei te ū koe ki ngā whakaritenga whakapuakanga katoa mā te whakamahi i te rārangi arowhai a MBIE.

Kua hangaia hoki e MBIE ngā tauaromahi me ngā tātauira pātea hei whakauru mōhiohio atu māu. E wātea ana ēnei mō ngā hua hangatanga momo 1 me te momo 2, ā, kei a koe te tikanga mō te whakamahi i ērā.

Mō ngā kaihokorau, ngā kaihoko me ngā kiritoha he mōhiohio atu anō kei tā mātau paetukutuku me pēhea te whakaatu i ngā mōhiohio tuihono waiwai, i rō toa rānei.

ĒTAHI ATU ĀWHINA:

- haere ki te paetukutuku [Building Performance](#) mō ētahi atu mōhiohio āmiki
- ka taea te whakamahi te [rārangi arowhai](#) mō ngā kaiwhakanao me ngā kaihoko ki uta hei whakataurite i ngā mōhiohio onāiane ki tērā e hiahiatia ana
- Ka āwhina ngā tauira o ngā hua momo 1 me te 2 a MBIE i ngā kaiwhakanao me ngā kaihoko ki uta kia mārama me pēhea te tuku i ngā mōhiohio hua e hiahiatia ana
- Tmēra ki Products@mbie.govt.nz mēnā he pātai atu anō āu mō ngā waeture.

